

To  
zehrah62@hotmail.com Sindikat osnovnog obrazovanja Sindikat srednjeg obrazovanja  
Today at 8:43 AM  
Postovani,

u prilugu vam dostavljamo Pravilnik o radu škole i razloge zbog kojih neke primjedbe nisu prihvaćene.

S poštovanjem

Ministarstvo obrazovanja, nauke, kulture i sporta

Prijedlog koji se odnosi na član 19. stav (3) nije prihvaćen, mišljenja smo da treba ostati period 6 mjeseci u skladu sa Zakonom o radu, jer period od 3 mjeseca je prekratak.

U članu 21. mišljenja smo da probni rad uposlenika treba da prati i ocjenjuje direktor tako da je isti promijenjen u odnosu na predloženi.

U članu 27. tačka d) radni odnos na određeno vrijeme može se zasnovati na određeno vrijeme a najduže 6. mjeseci. Predloženi rok od 2 mjeseca je prekratak za okončanje konkursne procedure, te stoga primjedba nije prihvaćena.

U članu 28. stav (1) nije prihvaćen prijedlog da Ugovor o radu sklopljen na određeno vrijeme prestaje ispunjenjem uvjeta za zaključivanje ugovora o radu na neodređeno radno vrijeme, iz razloga jer Zakonom o srednjem obrazovanju i Zakonom o osnovnom i općem srednjem odgoju i obrazovanju propisano je isključivo zapošljavanje na osnovu javnog konkursa.

Primjedbe koje se odnose na član 33. su prihvaćene.

U članu 39. nije prihvaćen stav (4) jer je isto uređeno Zakonom.....

U članu 41. stav (2) ne možemo prihvatiti primjedbu da nastavnici i saradnici koriste dnevni odmor u toku odmora za učenike jer imaju obavezu brinuti o sigurnosti učenika.

U članu 45. predloženi stav (4) nije prihvaćen jer je isto predmet kolektivnog pregovaranja.

U članu 46. predloženi stavovi (3), (4) i (5) su prihvaćeni.

U članu 48. vrijeme koje se ne uračunava u trajanje godišnjeg odmora prijedlog da se navedu i „subote i nedjelje“, je prihvaćen iz razloga jer preciznije utvrđuje vrijeme koje se ne uračunava u trajanje godišnjeg odmora.

U članu 57. stav (3) prijedlog nije prihvaćen jer je to već definisano u prethodnom članu. Predložena odredba stava (4) istog člana je prihvaćena.

U članu 58. prihvaćen je prijedlog da se briše stav (2) i (3) jer je isto već regulisano prethodnim članom.

U članu 60. prihvaćen je prijedlog odredbe stava (1) jer je isto zakonska obaveza.

U članu 62. u stavu (3) i (4) prihvaćeni su prijedlozi.

U članu 76. u stavu (1) prihvaćen je prijedlog uz određene korekcije odnosno precizirano je da se radi o prosjeku 6 plata isplaćenih u poslednjih 6 mjeseci.

U članu 81. nije prihvaćen prijedlog odredbe stava (3) jer isto reguliraju drugi zakonski propisi.

U članu 82. prijedlog odredbe stava (1) nije prihvaćen jer isto treba regulirati zakonom i kolektivnim ugovorom. Predloženi stav (3) se briše jer nije prihvaćen predloženi stav (1).

U članu 109. prijedlog odredbe stava (2), (3) i (4) nije prihvaćen jer se isto treba regulirati Kolektivnim ugovorom.

U članu 110. Prijedlog odredbe stava (2) nije prihvaćen iz razloga kao i prethodni prijedlog.

U članu 114. Odredbe stava (3) i (4) su brisane jer isto je regulirano Zakonom o vijeću zaposlenika

Dana 28. rujna 2016. u 08:37 Ministarstvo obrazovanja USK <[obrazovanje.usk@gmail.com](mailto:obrazovanje.usk@gmail.com)> je napisao/la:

----- Prosljeđena poruka -----